



Broj: 05-434-5/19
Sarajevo, 24. 04. 2019. godine

Na osnovu člana 64. stav (1) tačka b) Zakona o javnim nabavkama („Službeni glasnik BiH“, broj 39/14, u nastavku: Zakon), člana 70. stav (1), (3) i (6) Zakona, člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), preporuke Komisije iz Zapisnika o pregledu i ocjeni ponuda, broj: 05-434-4/19 (Lot 1), 05-434-4-1/18 (Lot 2) i 05-434-4-2/19 (Lot 3) od 12. 04. 2019. godine, te člana 16. Statuta Agencije za bankarstvo Federacije BiH („Službene novine Federacije BiH“, broj: 3/18), u postupku javne nabavke usluga internet provajdera direktor Agencije za bankarstvo Federacija BiH donosi

ODLUKU

o izboru najpovoljnijeg ponuđača - Lot 1 i Lot 2, i poništenju postupka - Lot 3 u postupku javne nabavke usluga internet provajdera

Član 1.

Prihvataju se preporuke Komisije za provođenje postupka javne nabavke usluga internet provajdera za potrebe Agencije za bankarstvo Federacije BiH (u nastavku: Ugovorni organ), broj i datum iz uvodnog dijela ovog akta i ugovor za predmetnu nabavku u dijelu postupka koji se odnosi na Lot 1 dodjeljuje se privrednom subjektu „Team Consulting“ d.o.o. Sarajevo, a ugovor u dijelu postupka koji se odnosi na Lot 2 dodjeljuje se privrednom subjektu „Mtel“ a.d. Banja Luka.

Poništava se predmetni postupak konkurentskog zahtjeva za dostavu ponuda, u dijelu postupka koji se odnosi na Lot 3, s obzirom da nijedna od primljenih ponuda u ovom dijelu nabavke nije prihvatljiva za Ugovorni organ.

Član 2.

Ukupna vrijednost ugovora iz tačke I. ove odluke – po lotovima, bez uračunatog poreza na dodanu vrijednost (PDV-a), iznosi:

- 1) Lot 1: 3.600,00 KM
- 2) Lot 2: 3.996,00 KM

Član 3.

Po okončanju roka za žalbu, ugovorni organ će s izabranim ponuđačem zaključiti ugovor za svaki lot posebno, kojim će regulisati međusobna prava i obaveze.

Član 4.

Ova odluka objavit će se na internetskoj stranici Agencije www.fba.ba, istovremeno s upućivanjem iste ponuđačima koji su sudjelovali u postupku javne nabavke, saglasno članu 70. stav (6) i članu 71. stav (2) Zakona.

Član 5.

Ova odluka stupa na snagu danom donošenja.

O B R A Z L O Ž E N J E

Odlukom o pokretanju postupka javne nabavke usluga internet provajdera, broj: 05-434/19 odobreno je provođenje postupka predmetne nabavke za potrebe Ugovornog organa. Javna nabavka provedena je putem konkurentskog zahtjeva za dostavu ponuda, a kriterij za dodjelu ugovora je najniža cijena tehnički zadovoljavajuće i prihvatljive ponude.

U skladu s odredbama člana 35. Zakona, Obavještenje o nabavci broj: 3010-7-2-75-3-25/19 objavljeno je na Portalu javnih nabavki (ejn.gov.ba), dana 20. 02. 2019. godine, uz istovremeno upućivanje poziva za dostavu ponuda na adrese trojice potencijalnih ponuđača.

Prema uslovima navedenim u tenderskoj dokumentaciji (u nastavku: TD) predmetna nabavka je podijeljena na tri lota, sa slijedećim procijenjenim vrijednostima nabavke - bez poreza na dodanu vrijednost:

- Lot 1: 4.000,00 KM
- Lot 2: 4.000,00 KM
- Lot 3: 4.000,00 KM

U skladu s Odlukom ugovornog organa imenovana je Komisija za nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnike o pregledu i ocjeni ponuda – po lotovima, u kojima je utvrđeno da je broj ponuda pristiglih po lotovima slijedeći: a) Lot 1: 2 (dvije) ponude, b) Lot 2: 1 (jedna) ponuda i c) Lot 3: 1 (jedna) zaprimljena ponuda.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja po lotovima, Komisija je utvrdila da je ponuda ponuđača „Team Consulting“ d.o.o. Sarajevo prihvatljiva za Ugovorni organ u dijelu postupka koji se odnosi na Lot1, a ponuda ponuđača „Mtel“ a.d. Banja Luka u dijelu postupka koji se odnosi na Lot2, te je Komisija za nabavke dala preporuku da se navedenim ponuđačima, saglasno članu 69. stav (1) tačka a) Zakona, dodijeli ugovor za Lot 1, odnosno Lot 2, za predmetnu nabavku usluga.

Obzirom da u predmetnom postupku u dijelu nabavke koja se odnosi na Lot 3 jedina zaprimljena ponuda od strane ponuđača „Mtel“ a.d. Banja Luka nije prihvatljiva za Ugovorni organ, Komisija za nabavku je dala preporuku da se shodno odredbama člana 69. stav (2) tačke d), ovaj dio postupka javne nabavke poništi.

Uvažavajući sve navedeno, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama, člana 8. stav 2. tačka d) Pravilnika o uspostavljanju i radu Komisije za nabavke i člana 16. Statuta Agencije, odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članu 97. i 101. Zakona.



Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

- svim učesnicima u postupku
- a.a.

